

# KATA SENDI

UNTUK SEKOLAH RENDAH

MOHAMED NAIM DAUPI



[www.saujana.sg](http://www.saujana.sg)

# KATA SENDI



NAMA : .....

TARIKH : .....

# KATA SENDI

kata yang  
digunakan untuk  
menghubungkan  
frasa nama



# KATA SENDI

di

daripada

untuk

sejak

ke

kepada

oleh

sebagai

pada

dengan

hingga

tentang

dari

akan

bagai

terhadap

# DI

## BAGI MENUNJUKKAN TEMPAT



- 1.1 Dia sedang berbaring **di** atas katil
- 1.2 Dia bersekolah **di** sekolah itu.
- 1.3 Buku cerita itu disimpan **di** almari.
- 1.4 Bapa saudaranya tinggal **di** Tampines.

# KE

**BAGI MENUNJUKKAN ARAH  
YANG DITUJU.**



- 2.1 Sulaiman sedang berlari **ke** sekolahnya.
- 2.2 Dia hendak pergi **ke** kedai buku
- 2.3 Fuad terjun **ke** dalam kolam renang itu.
- 2.4 Pemburu itu menuju **ke** dalam hutan.

# DARI


**BAGI MENYATAKAN TEMPAT  
ATAU ARAH.**



- 3.1 Abang saya baru pulang **dari** gerai buahnya.
- 3.2 Kapal itu datang **dari** Negeri Jepun.
- 3.3 Angin bertiup **dari** selatan.
- 3.4 Bapa saya baru balik **dari** masjid.

# DARI

**BAGI MENYATAKAN WAKTU.**



- 3.5 Abang Fazli menunggu tunangnya dari pukul dua tadi.
- 3.6 Jamuan itu bermula dari pukul satu.
- 3.7 Pendaftaran dibuka dari hari Isnin hingga hari Jumaat.
- 3.8 Dia membaca dari jam lima tadi.

# DARIPADA

## BAGI MENUNJUKKAN ASAL SESUATU



- 4.1 Peti wang itu dibuat daripada besi waja.
- 4.2 Barang perhiasan itu diperbuat daripada campuran emas dan platinum.
- 4.3 Peti berukiran itu dibuat daripada kayu jati.
- 4.4 Baju yang mahal itu dibuat daripada kain sutera.

# DARIPADA


**BAGI MENUNJUKKAN  
SUMBER SESUATU ATAU  
PUNCA**



- 4.5 Surat amaran itu datangnya **daripada** kumpulan penjahat itu.
- 4.6 Sultan membaca warkah **daripada** Raja Kobat Syah.
- 4.7 Bingkisan itu datangnya **daripada** nenek saya.
- 4.8 Fandi Ahmad menerima hantaran bola **daripada** Nazri Nasir.

# DARIPADA

## BAGI MENUNJUKKAN PERBANDINGAN DENGAN SESUATU



- 4.8 Encik Subhan lebih gemuk daripada adiknya..
- 4.9 Kuih tradisional Melayu lebih sedap daripada sandwic dan burger ini.
- 4.10 Membaca lebih baik daripada berdiam diri.
- 4.11 Arman lebih cekap dan handal daripada pelumba basikal ini

# KEPADA

**BAGI MENUNJUKKAN  
SASARAN YANG MERUJUK  
SESUATU.**



- 5.1 Berita itu telah disebarikan **kepada** orang ramai.
- 5.2 Anak itu terdedah **kepada** kuman.
- 5.3 Harta pusaka itu dibahagikan **kepada** anak-anaknya.
- 5.4 Dia memberikan susu **kepada** bayinya.

# KEPADA

## BAGI MENUNJUKKAN PECAHAN



- 5.5 Tukang masak itu membahagikan lauk itu kepada tiga periuk kecil
- 5.6 Adunan itu dibahagikan kepada dua bahagian.
- 5.7 Drama itu dibahagikan kepada tiga babak.
- 5.8 Pasukan itu diasingkan kepada tiga kumpulan.

# PADA

## BAGI MENYATAKAN WAKTU



- 6.1 Dia tertidur di kerusi itu pada pukul satu tadi.
- 6.2 Mereka berangkat ke Ipoh pada pukul tiga pagi.
- 6.3 Sekolah akan bercuti pada minggu hadapan.
- 6.4 Pada ketika itu, bapa sedang bersalat.

# PADA

## BAGI MENGIKUTI PERKATAAN ADA



- 6.5 Wang itu ada pada bapa saya.
- 6.4 Buku itu ada pada Subhan.
- 6.5 Keris itu ada pada Pendekar Hitam.
- 6.6 Pada ketika itu, surat itu ada pada Zaman.

# PADA

**BAGI MENYATAKAN  
TEMPAT SESUATU  
PEKERJAAN ITU  
DILAKUKAN.**



- 6.9 Tuliskan nama kamu dengan jelas pada kertas ujian ini.
- 6.10 Tampalkan pelekot ini pada kereta hitam itu.
- 6.11 Lelayang itu tersangkut pada bangunan itu.
- 6.12 Pada waktu perang, orang kampung bersembunyi di kubu itu.

# DENGAN


**BAGI MENYATAKAN  
MAKSUD BESERTA ATAU  
BERSAMA-SAMA**



- 7.1 Dia bermain bola jaring dengan Siti Salamah.
- 7.2 Beliau pergi ke pasar dengan kakak.
- 7.3 Harun berbual-bual dengan pekerja-pekerjanya.
- 7.4 Jamil bermain bola dengan kawan sedarjahnya.

# DENGAN

**BAGI MENYATAKAN CARA  
SESUATU DIJALANKAN /  
DILAKUKAN**




Adik Suhana membaca buku dengan tekun.

Dermanya kami terima dengan besar hati.

Dia menyambut tetamunya dengan mesra.

Projek itu dapat dijalankan dengan kerjasama adik-beradiknya.

# DENGAN



**BAGI MENYATAKAN  
MAKSUD MENGGUNAKAN  
SESUATU SEBAGAI ALAT**

- 7.9 Kamal menulis surat itu dengan pensel.
- 7.10 Dia menggali lubang dengan cangkul.
- 7.11 Diana menulis surat dengan pen.
- 7.12 Ayah menebang pokok itu dengan kapak.

# UNTUK

**BAGI MENYATAKAN  
MAKSUD KEGUNAAN  
UNTUK SESUATU.**



- 8.1 Kawasan perkhemahan itu dibina untuk orang ramai.
- 8.2 Madrasah untuk / bagi penduduk akan dibina di situ.
- 8.3 Rumah untuk / bagi pekerja itu akan dibaiki.
- 8.4 Lagu-lagu itu digubah untuk kanak-kanak.

# UNTUK


## BAGI MENYATAKAN MAKSUD SESUATU YANG DIPERUNTUKKAN



- 8.5 Encik Leman membeli hadiah itu untuk tunangnya.
- 8.6 Abang membeli cincin itu untuk isterinya.
- 8.7 Untuk siapa bungkusan hadiah itu?
- 8.8 Rumah itu dibeli bapa untuk ayahnya.

# TENTANG

## BAGI MENYATAKAN MAKSUD HAL YANG DIKATAKAN



- 9.1 Pengurus itu bercakap tentang kemajuan syarikatnya.
- 9.2 Kami berdialog tentang penyakit jantung.
- 9.3 Pak Abu bercerita tentang kejadian itu.
- 9.4 Mereka berbincang tentang guru mereka.

# BAGAI

## BAGI MENYATAKAN MAKSUD PERBANDINGAN ATAU PERSAMAAN



- 10.1 Budak kecil itu berlagak bagai pengembala lembu.
- 10.2 Wajah wanita itu bagai tuan puteri.
- 10.3 Kelas ini bising bagai pasar.
- 10.4 Pemuda itu berlagak bagai polis.

# SEJAK

## BAGI MENYATAKAN MAKSUD PENANDA WAKTU



- 11.1 Budak itu tinggal dengan neneknya sejak ibu bapanya meninggal dunia.
- 11.2 Saya gembira sejak bersekolah di situ.
- 11.3 Sejak hari itu, saya tidak berkawan dengannya.
- 11.4 Bapa tinggal di situ sejak kecil lagi.

# TERHADAP


**BAGI MENYATAKAN  
MAKSUD MERUJUK  
SESUATU.**



- 12.1 Janganlah zalim terhadap binatang.
- 12.2 Encik Hamzah sayang terhadap keluarganya.
- 12.3 Hakim bersikap adil terhadap pesalah itu.
- 12.4 Dia manja terhadap orang tuanya.

# AKAN

## BAGI MENYATAKAN MAKSUD RUJUKAN PERASAAN



- 13.1 Mereka berdua sayang akan anak tunggalnya itu.
- 13.2 Dia cinta akan ibunya.
- 13.3 Wanita itu rindu akan anaknya.
- 13.4 Janganlah kamu benci akan adik kamu itu.

# OLEH

## BAGI MENYATAKAN MAKSUD PEMBUAT



- 14.1 Bunyi biola yang merdu itu digesek oleh adik Dilah.
- 14.2 Kuih itu dimasak oleh ibu.
- 14.3 Buku itu ditulis oleh Yusman Ali.
- 14.4 Pencuri itu ditangkap oleh Abang Yazid..

# SEBAGAI

## BAGI MENYATAKAN MAKSUD SELAKU ATAU MENJADI



- 15.1 Sebagai anggota polis, dia harus bersikap adil.
- 15.2 Dia telah dilantik sebagai ketua pasukan bola sepak sekolahnya.
- 15.3 Sebagai anak yang baik, kita mestilah menghormati ibu bapa kita.

# HINGGA

## BAGI MENYATAKAN MAKSUD HAD MASA ATAU TEMPAT



- 16.1 Pegawai keselamatan itu bertugas hingga jauh malam.
- 16.2 Dia berjanji akan belajar hingga peringkat universiti.
- 16.3 Wanita itu mengaji hingga larut malam.
- 16.4 Bapa Lukman menyelesaikan kerjanya hingga pukul dua pagi.



**TAMAT**